



**S**tem stell dich Also inn den Mittelhan das dein  
 Linncker fuoß vor stee dein schwert mit gestrackten armen von deinem leb auf deiner  
 rechten seiten volg mit deinem rechten fuoß hinnaech vnd han dich behennid vor dem  
 Naxen durch inn den sturzhaw tret mit dem linncken schemickel hinnein vnd han  
 inn zu seinem rechten Ober versicht er dir das so han inn behend wider ein zu dem kopff hawt  
 er dir dann wider zu der annndern seiten ober dein versahung vnd du mit deinem rechten fuoß  
 vor stast so such dein schwert von seinem lingen vber sich auf vnd tret mit deinem rech-  
 ten fuoß hundert sich stich inn damit zu der mußt mit geerzigten Armen sticht er also zu dir  
 so setz inn das ab mit deiner kurzen schneidm volg mit deinem rechten fuoß hinnaech vnd  
 schneid inn damit nach seinem hant versicht er dir den schnid so tret mit deinem rechten fuoß  
 zurueck vnd scheuss inn den Det inn sein angesicht fiert er den ort also auf dich so setz inn  
 den ab mit lannger schneid schill vnd schaitel inn damit zu seinem kopff